

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործի վերաբերյալ 13.08.2020թ. կայացված N00000 0091031 որոշումն անփոփոխ, իսկ վարչական բողոքն առանց բավարարման թողնելու մասին

<<23>> 09 2020թ. 7-13- 11475

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Կարեն Բադալյանի Ն/21/76201-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Աբովյան փողոցի 41 շենքի 1 բնակարանի բնակիչ Կարեն Բադալյանը դիմումով խնդրել է բեկանել Ճանապարհային ոստիկանության վարչական իրավախախտման վերաբերյալ գործով 13.08.2020թ. կայացված N00000 0091031 որոշումը՝ նշելով, որ համաձայն չէ որոշմամբ արձանագրված իրավախախտման հետ:

Միաժամանակ հեռախոսակապի միջոցով հայտնել է, որ դիմումին ավելացնելու ոչինչ չունի և համաձայնվել է, որ դիմումը քննարկվի առանց իր մասնակցության:

Դիմումի քննարկման արդյունքում պարզվել է, որ վարչական իրավախախտման գործի վերաբերյալ 13.08.2020թ. կայացված N00000 0091031 որոշումը ենթակա է կատարման հետևյալ պատճառաբանությամբ.

Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի համաձայն՝ արտակարգ իրավիճակի հիմքով հայտարարված արտակարգ դրության ընթացքում ազատ տեղաշարժվելու պայմանները, պահանջները խախտելը՝ առաջացնում է տուգանքի նշանակում՝ սահմանված նվազագույն աշխատավարձի տասնապատիկի չափով:

Հայաստանի Հանրապետության ողջ տարածքում կիրառվող ժամանակավոր սահմանափակումների վերաբերյալ պարետի 03.05.2020թ. N63 որոշման 5-րդ կետի համաձայն՝ ՀՀ տարածքում պարտադիր է հանրային բաց վայրերում դիմակի առկայությունը, իսկ անձնական օգտագործման մարդատար և բեռնատար տրանսպորտային միջոցներում՝ դիմակ կրելը, եթե վարորդից բացի մեքենայում առկա է առնվազն մեկ ուղևոր:

Ուսումնասիրությամբ պարզվել է, որ 13.08.2020թ. ժամը 15:10-ի սահմաններում Երևան-Սևան ավտոճանապարհի 12 կմ հատվածում քաղաքացի Կարեն Բադալյանի վարած <<MERCEDES>> մակնիշի 36FP056 հաշվառման համարանիշի ավտոմոբիլը կանգնեցվել է Ճանապարհային ոստիկանության ՃՊԾ 2-րդ սպայական գումարտակի 3-րդ սպայական վաշտի 1-ին սպայական դասակի ավագ տեսուչներ, ոստիկանության մայորներ Ա.Հակոբյանի և Լ.Զազյանի կողմից՝ Հայաստանի Հանրապետության պարետի 03.05.2020թ. N63 որոշման 5-րդ կետի պահանջի խախտման համար, այն է՝ վարորդը անձնական օգտագործման մարդատար տրանսպորտային միջոցում՝ չի կրել դիմակ ուղևորի առկայության պայմաններում: Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասով կայացվել է վարչական իրավախախտման գործի վերաբերյալ N00000 0091031 որոշումը:

Ճանապարհային ոստիկանության ծառայողների կողմից տրված պարզաբանման համաձայն՝ քաղաքացի Կարեն Բադալյանի կողմից կատարված իրավախախտումը հիմնավորող՝ տեխնիկական միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի

41

կանակցությամբ կազմվել է համապատասխան արձանագրություն և կայացվել N00000 0091031 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

Ինչ վերաբերվում է դիմումատուի այն պնդմանը, որ 12.08.2020թվականից այլևս վարորդը այլ անձի հետ մեքենայի մեջ գտնվելու դեպքում դիմակ կրելու պարտականությունից ազատվում է, ապա հարկ է նշել, որ անձնական օգտագործման մարդատար և բեռնատար տրանսպորտային միջոցներում, ուղևորի առկայության պայմաններում պարտադիր դիմակ կրելու կանոնը վերացել է 14.08.2020թ-ին:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 182.3-րդ հոդվածի 1.1 մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 13.08.2020թ. կայացված N00000 0091031 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Կարեն Բադալյանին, Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան